



ՀԱՅՐԵՆԱԴԱՐՁՈՒԹՅԱՆ ՈՒՂԻՈՎ

ՀԱՅԵՐԻ ՄԻ ԽՄԲԻ ՄԵԿՆՈՒՄԸ ՌՈՒՄԻՆԻԱՅԻՑ ՍՈՎԵՏԱԿԱՆ ՀԱՅԱՍՏԱՆ

ԲՈՒԽԱՐԵՍ, 20 հունիսի (ՏԱՍՍ).— Թերթերի հաղորդագրությամբ երեկ Կոնստանցայից «Պոբեդա» ջերմանավով Սովետական Հայաստան մեկնեց ռումինահայերի երկրորդ մեծ խումբը: Ջերմանավը մեկնելուց առաջ նավահանգստում տեղի ունեցավ մեկնող հայերի և Կոնստանցայի բնակչության բազմահազար միտինգ:

Ճառերով հանդես եկան «Հայաստանի Ճակատ» դեմոկրատական հայկական կազմակերպության նախագահ Դանիելյանը, Կոնստանցա քաղաքի քաղաքագլուխ Դոմիտրու Բերսանեսկուն, Ռումինիայում հայկական թեմի դեկավար Վազգեն վարդապետը:

Սովետական դեսպանության անունից մեկնողներին, նրանց սովետական քաղաքացիություն ստանալու առթիվ, շնորհավորեց Ռումինիայում Սովետական Միության գըլ-

խավոր հյուպատոս էլշիբեկովը: Միտինգում ընթերցվեց մեկնող հայերի դիմումը ռումինական ժողովրդին: Այդ դիմումի մեջ ի միջի այլոց ասված է. «Մենք թուրքական զազանային ջարդերից հետո կենդանի մնացած և մեր թանկագին հայրենիքը վերադարձող հայերս երբեք չենք մոռանա հղբայրական այն ըմբռնումը, որ մեր նկատմամբ ցուցաբերեց ռումինական ժողովուրդը»:

Միտինգում ներկա եղողների բոլորն օվաջիայի ներքո ի պատիվ Գենեռալիսսիմուս ընկեր Ստալինի և սովետական ժողովրդի հռչակված կեցցեի հնչյունների տակ «Պոբեդա» ջերմանավը Կոնստանցայից հեռացավ, ուղղություն վերցնելով դեպի Բաթումի:

Սովետական Հայաստան մեկնած հայերի երկրորդ խումբը բաղկացած է 1022 մարդուց:

ՀԱՅԵՐԻ ՆՈՐ ԽՄԲԻ ԺԱՄԱՆՈՒՄԸ

ԲԱԹՈՒՄԻ, 24 հունիսի (ՀՀԳ-ի հատ. թղթ.).— Հունիսի 23-ին «Պոբեդա» ջերմանավով Ռումինիայից Բաթումի ժամանեց Սովետական Հայաստան վերադարձող հայերի այս տարվա առաջին խումբը: Ընդամենը ժամանել է 1022 մարդ: Հիմնականում դրանք բանվորներ են՝ կոշկակարներ, տեքստիլա-

գործներ, էլեկտրիկներ և ուրիշներ: Զգալի խումբ են կազմում ուսուցիչները, բժիշկները, դեղագործները: Ժամանածները իրենց հետ բերում են Հայաստանի Պետական թանգարանին նվիրելու համար նկարների, արվեստի գործերի և հազվագյուտ գրքերի կոլեկցիա:

